



F U N D A R G E R ð

Stjórnarfundur í Sorpurðun Vesturlands hf. haldinn föstudaginn 17. apríl 020 kl. 15:00 í fjarfundi í gegnum internetið.

Mættir voru: Kristinn Jónasson, Finnbogi Leifsson, Unnur Þóra Sigurðardóttir, Ásta Kristín Guðmundsdóttir, Sævar Jónsson, Karitas Jónsdóttir og Eyjólfur Ingvi Bjarnason. Einnig sat fundinn Hrefna B Jónsdóttir framkvæmdastjóri, sem einnig ritaði fundargerð.

1. Fundargerð síðasta fundar 26. febrúar 2020.

Staðfest en undirrituð síðar.

2. Ársreikningur og grænt bókhald 2019

Framkvæmdastjóri kynnti ársreikning Sorpurðunar Vesturlands fyrir árið 2019. Formaður gerði það að tillögu sinni að arðgreiðsla yrði engin þetta árið. Finnbogi gerði tillögu um 15% arð. Kom því til atkvæðagreiðslu. Finnbogi og Ásta Kristín sögðu já. Kristinn og Sævar Nei. Eyjólfur, Karitas og Unnur Þóra sátu hjá.

Greidd tillaga um engan arð til eigenda félagsins. Finnbogi og Ásta Kristín sögðu nei. Sævar, Kristinn og Unnur Þóra sögu já, aðrir sátu hjá. Því er samþykkt að enginn arður verði greiddur vegna ársins 2019. Ársreikningur samþykktur og vísað til aðalfundar, sem hefur ekki verið dagsettur.

Framkvæmdastjóri kynnti grænt bókhald fyrirtækisins. Magn úrgangs til urðunar á árinu 2019 fór yfir leyfilegt magn í starfsleyfi sem er 15.000 tonn. Samtals voru urðuð 17.548 tonn árið 2019. Einnig var tekið við kurluðu timbri alls, 2.498 tonn sem notað er til yfirlags í urðunarreinum. Heildarmagn úrgangs og yfirlagsefna er því 20.046. tonn. Framkvæmdastjóri kynnti grænt bókhald fyrirtækisins.

Grænt bókhald og ársreikningur samþykkt og undirritun stjórnarmanna og framkvæmdastjóra mun fara fram rafrænt í ljósi aðstæðna kórónuveitunnar.

3. Troðari - nánar frá síðasta fundi.

Framkvæmdastjóri fór yfir það hvað gerst hafði frá síðasta stjórnarfundum Sorpurðunar en skoðað var með aðrar leiðir sem ekki reyndust framkvæmanlegar. Framkvæmdastjóri lagði áherslu á það að endurnýjun tækisins væri brýn.

Í ljósi þess að gengið hefur breyst um 15% hefur tækið hækkað verulega í verði. Var samþykkt að biða átekta og fylgjast með breytingu gjaldmiðla.

4. Rekstur í Fíflholtum

a. Kyndill – Sjálfvirk tæming á pottum við brennara.

Lagt fram minnisblað og kostnaðaráætlun fyrir verkið. Framkvæmdastjóri fór yfir verkefnið og lagði til við stjórn að farið yrði úti það að gera sjálfvirka tæmingu á pott við kyndil. Samþykkt.

b. Starfsmannamál, Covid 19 og viðeigandi ráðstafanir

Framkvæmdastjóri fór yfir ráðstafanir meðal starfsmanna í Fíflholtum á tímum Kórónuveirufaraldsins.

c. Framtíðaráform svæðisins / framkvæmdir til austurs.

Framkvæmdastjóri lagði fram teikningu er sýnir deiluskipulag og það svæði sem skipuleggja þarf fyrir nýja urðunarrein. Framkvæmdastjóra falið að setja í gang fyrstu skrefin að verkefninu og fá hugmynd að útliti/hönnun.

d. Hreinsun svæðis

Sagt frá hreinsun svæðis en viðbragðshópur hefur komið saman einu sinni. Vindasamt hefur verið undanfarið og talsvert oft þurft að grípa til þess að loka fyrir móttöku úrgangs. Nú hefur snjó að mestu tekið upp og þá kemur betur í ljós fok á svæðinu.

e. Sigvatnshreinsun - upprifjun

Framkvæmdastjóri sagði frá því að ekki hefði tekist að setja niður brunna vegna sigvatns, sbr. úrbótaáætlun gerir ráð fyrir. Erfiðar aðstæður í mýrinni gerðu það að verkum að ekki var hægt að fara með vélar út á umrætt svæðið, eins og vonast var eftir að tækist í vetur.

5. Samningsmál við Sorpu bs. – framhald

Rætt um óformlegt erindi höfuðborgarsvæðisins um tímabundna móttöku lífræns úrgangs í tvö til þrjú ár, eða á meðan þeirra lausnir verða að veruleika. Fundarmenn ræddu samningsdrög um móttöku lífrænt úrgangs í gas- og jarðgerðarstöð Sorpu bs. og á móti að taka við óvirkum úrgangi frá höfuðborgarsvæðinu. Framkvæmdastjóri upplýsti um að sá samningur væri óháður óformlegri fyrirspurn Sorpu bs. Fundarmenn settu sig á móti hugmyndinni en fólu formanni og framkvæmdastjóra að ræða við fulltrúa eigendavettvangs Sorpu.

6. Samband íslenskra sveitarfélaga

a. Fundargerð frá 13. mars sl.

Lögð fram

7. Önnur mál.

a. Brennsluofn á Suðurlandi

Rætt um erindi sem komið er til Skipulagsstofnunar.

b. Starfsmannamál.

Framkvæmdastjóri upplýsti um sumarstarfsmann.

c. Úrgangsmál á Norðurlandi, ráðstefna 1. apríl 2020

Framkvæmdastjóri sagði frá ráðstefnu sem Norðlendingar héldu í gegnum internetið. Í framhaldinu rætt um hræbrennsluofna.

Fleira ekki gert og fundi slitið kl. 16:55.